

憲示 第二百七十八號

輔政使司史 為
曉諭事現奉

督憲札開招人投接在域多利書院安鐵柱子欄河所有投票均在本署收截限期收至西歷本年六月二十六日禮拜二正午止如欲領投票格式可赴本署求給倘另欲觀看章程及知詳細者前赴工務司署請示可也各票價列低昂任由
國家棄取或總棄不取亦可等因奉此合亟出示曉諭為此特示

一千八百八十八年 六月 十六日示

憲示 第二百七十九號

輔政使司史 為
曉諭事照得現奉

督憲諭將
大清巡工司示諭抄示以便週知等因奉此合亟出示曉諭為此特示

一千八百八十八年 六月 十六日示

大清署理各口巡工司布 為
通行曉諭事照得本巡工司前奉

總稅務司赫 憲劄行以沿海沿江建造燈塔浮樁等事或係創設或宜改移或有增添或須裁撤營造既有變更務即隨時彰明出示通曉各處俾得行江海船隻周知徧喻等因茲本巡工司查江海關稅務司所屬界內大洋嶺附近處查田暗礁一段合將其情形度勢開列於左

計開

- 一現准 大英國藍伯類水師船統帶官穆 移知茲將移文列左
- 一甯波府定海廳洋山地方在大洋嶺東南邊相距約三百餘丈之處查出暗礁一段於朔望潮落時礁上水深二尺

自礁視大洋嶺頂為北二十六度西相距約五百餘丈

自礁視大洋嶺東南角之西少北相距約七里之處有石一塊並自礁視徐公山頂皆為北六十九度三十分東相對皆成直線

自礁視大洋嶺西南角為北七十三度西相距約十七里

一該礁上於常日水作浪紋易於辨認

一行海船隻視小洋嶺最高之左頂與大洋嶺東南灣南角相對成直線皆為北十九度西則其船路應駛過該礁之東距礁約一百八十丈之處方無阻礙

一凡以上所開度數均按羅經方向

為此合即遵行出示通曉各處船隻其務宜留心詳記以免疎虞勿忘勿忽切切特示

光緒十四年 四月 十九日 第二百十八號示

大清署理各口巡工司布 為
通行曉諭事照得本巡工司前奉

總稅務司赫 憲劄行以沿海沿江建造燈塔浮樁等事或係創設或宜改移或有增添或須裁撤營造既有變更務即隨時彰明出示通曉各處俾得行江海船隻周知徧喻等因茲本巡工司查九江關稅務司所屬界內姚家洲地方移設鎗杆合將其情形度勢開列於左

計開

- 一長江州府東流縣姚家洲南角向所設之鎗杆因江岸坍塌現經移設自原處視移鎗杆為三十六度西相距約二十一丈
- 為此合即遵行出示通曉各處船隻其務宜留心詳記以免疎虞勿忘勿忽切切特示

光緒十四年 四月 十九日 第二百十九號示